



御製天元玉曆祥異賦序



在天之五行在人為五事五事脩則休徵應失則咎徵
應天人感應之機神矣惟天心仁愛人君常示變以警
之惟明君必敬天於所示警皆有惕厲脩省之誠未常
忽也此編明於天人之際審朕矣嗣承

天序祗若天道動靜云為怕慎諸此股肱大臣與國同體
欣戚相均各以賜之非惟使達夫吉凶之機亦庶幾變
理之助云

洪熙元年正月十五日

天元玉曆祥異目錄

卷之一 天地兩霜篇

卷之二 太陽瑞應篇

卷之三 日旁異氣

卷之四 日旁雜氣篇

卷之五 日暈別氣篇

卷之六 太陰休咎篇

卷之七 月旁專氣篇

月食變異篇

歲星篇

填星篇

太陽凶變篇

日旁專氣篇

日暈

日食變異篇

月旁異氣篇

月暈及諸氣篇

月凌犯五星篇

熒惑篇

太白篇

卷之八 辰星篇

五星凌犯篇

卷之九 瑞星篇

妖星篇

歲星精變篇

熒惑精變篇

填星精變篇

太白^精變篇

辰星精變篇

雜妖篇

客星篇

流星篇

飛星篇

飛流異狀篇

隕墜晝見篇

卷之十 帝王氣篇

猛將氣篇

卷之十一 軍勝氣篇

軍敗氣篇

城勝氣篇

屠城氣篇

卷之十二 伏兵氣篇

暴兵氣篇

卷之十三 戰陣氣篇

圖謀氣篇

軍營氣篇

軍營雜氣篇

吉凶氣篇

卷之十四 濛霧篇

虹蜺篇

卷之十五 風色篇

八風篇

五音風篇

六情風篇

卷之十六 日辰大風篇

察兵勝負氣篇


旋風篇

附錄

卷之十七 行軍占

卷之十八 雲氣入列宿占上
卷之十九 雲氣入列宿占下

天地之象



天元玉曆祥異賦卷之一
天地兩霜篇

惟天為大惟君最尊政教兆於人
理祥變見於天文行有玷缺則日
象顯示天有妖孽則德宜日新確
乎在上而晶明者天之體也魄乎
在下而安靜者地之形云


地土陷

地土忽陷萬民離散

宋志曰地土忽陷臣下專政萬民離散亦為失地

房京曰地無故自下陷天下兵作

范曄曰地陷者王室亂陷壞塔者大臣專權



天色變

天色忽變四夷來侵

宋志曰天色忽變是謂異常四夷來侵也

洪範曰清明者天之體也天忽變色是謂異常

宋志曰天紅乃有大兵起國中君惡兆民離散

隋書曰赤氣恒天夜始滅者有兵大戰


天裂

天裂是謂陽不足君弱臣亂而土裂

宋志曰天裂是謂陽不足臣亂而君失道土地將分裂

漢書曰天裂陽不足皆為臣下強盛將害上之變也

地震




地震是謂陰有餘臣專民擾而兵興

宋志曰地忽震動是謂臣強陽伏而不能出陰迫而不能入陰有餘也若外戚擅權后妃專政則土為之變異小人用下有謀及民擾則地震動其分兵亂又占其時春則歲不昌夏乃君憂五穀傷秋則兵起冬乃邑有土功

春秋傳伯陽甫曰天地之氣不

地震於宗廟



過其序人之亂陽伏而不能出
陰迫而不能入於是地震
范曄曰地陰也法當安靜今其
越陰之職專陽之政故應之震
京房曰臣弄權政專則地必震
其震於水則波於木則搖於屋
則危落於山則水湧

劉向曰震於屋臣下強盛將動而為害

宋志又曰震於宗廟宮室或動
而不已者國有叛臣讒佞進大
臣叛動則誅罰不以理而上下不相親


政在女子

京房又曰震於宗廟者邑有反

臣國有亂臣

宋志又曰震驚牛馬禽獸奔走
者天下惡之

地震驚牛馬




天裂見人

天裂見人兵起國亡之兆

地震洪水

地震洪水陰盛陽微之應



地鳴有聲



地鳴有聲天子失國政

宋志曰地鳴有聲天子失國政
姪婦也

天鳴有聲



天鳴有聲人主有憂驚

宋志曰天鳴有聲人主有憂驚
百姓勞失厥土
晉書曰天鳴有聲陰氣盛陽氣
微人主憂
京房曰天有聲主憂三年

天雨草



天雨草悵祿信衰所致

宋志曰天雨草悵祿信衰所致

是謂火失其性天雨赤草其民

流荀悅漢書曰大雨草臣專政

草如菠莎相膠結如彈丸

宋志又曰天雨續則大饑民亡

續如麻紵脆似地毛

史記曰太子丹因於秦天雨粟

於燕

地生毛



地生毛人勞兵起之徵

宋志曰地忽生毛為金失性人

將勞

地境曰地若生毛天下亂兵起

晉書曰金失其性則地生毛人

將勞軍不寧

宋志又曰地上諸虫生發大饑

饑民流移夷兵來侵

地成泉



地成泉大水而兵亂

宋志曰地無故自成泉天下亂
兵起大水

天雨石



天雨石大戰而君凶

宋志曰為信不施而詐倭作其
下君長凶石墜地近尺餘類雞
卵兩頭銳者名天鼓大戰殷紂
之末雨石如甕而為武王所代
范曄漢書曰天雨石從高及下
民困之象
隋書曰雨黃沙其下逆兵起雨
黃塵天下大饑


天陰晦而不雨

天陰晦而不雨者內亂而陰謀圖
議

宋志曰天忽晝夜陰晦晝不見
日夜不見星有陰謀一日為內
亂下將謀上若兩敵相當陰相
圖議也

唐書曰天晝夜陰晦則下有陰
謀也

地坼裂



地坼裂而有聲者大兵而失土不
寧

宋志曰秋行冬令則地裂其應
士度分離大臣專恣下叛上賢
者退不賢者進裂而有聲四方
不寧大兵起國失履土

晉書曰地坼裂者臣下分離不
相從也


李固曰陰類專恣將有分離之
象

地自燃

乃專恣自害之灾


宋志曰地燃者火為陽精地陰主若或燃則越陰之道行陽之政傷而不尅之象臣專恣而終以自害也

天文錄曰火者陽之精也地者陰之主也所以載於萬物燃之者越陰之道行陽之政傷而不尅之象非燹燃灼羣生亦自焚也陽者君道陰者臣道臣下擅權終以自害也



京房曰火出地其國君咎


天火



天火乃虛偽淫靡之戒

宋志曰天火曰灾是火不炎上其信道不篤而尚虛偽脩宮室無度則厥灾見而焚燒宗廟
晉書曰君高其臺天火為灾

雨土霾




民勞而祿不肖則天雨以土霾

宋志曰天雨土乃為霾曰土失其性而民勞或不肖者祿

墨子曰商紂不德十月雨土霾於亳


唐書曰不肖者祿天雨土又曰百姓勞

地生光怪



賢滅而用小人則地生乎光怪
宋志曰地忽生光如火照國憂
危亡又小人進賢人滅也


地踊土如山



下人將起也地踊土如山

唐書曰俞文俊上書謂天氣不和
寒暑隔人氣不和贅疣生地
氣不和堆阜出今主女居陽位
反易剋柔故天氣隔塞山變為
災

雨水水




貴人將死也雨水水而介

宋志曰雨水雨水大臣凶陰氣附木故水水

洪範傳曰水一名介者兵之象也班固漢書曰天雨水水后妃崩臣為亂

雨雹




雨雹雨霰夷狄侮而臣后專

宋志曰天雨雹則陰負陽凡陽盛則為雨若陰迫之則轉而為雹為政有所脅也

漢書曰雹者陰脅陽也為有所脅行專一之政

山徙



山徙山崩社稷亡而君道墮

宋志曰山或移徙是謂皇之不

極祿去宮室賞罰出於私門天

不兵社稷亡山忽崩毀是謂陰

盛陽弱蓋崩者離散之象賢人

去而佞臣進

晉書曰小人剝廬厥妖山崩茲

謂陰盛陽弱勝強

又曰山陽君也水陰百姓也天


戒若曰君道崩壞百姓將失其

所故山崩或移徙故水湧

山崩



雨羽



雨羽則人相殘


宋志曰天雨羽則君不道逆天

下

京房曰前樂後憂厥妖雨羽又

曰其下人相食

雨毛




雨毛則兵不息

宋志曰金失其性邪佞進賢人

退貴人走

隋書曰眾役繁興徭不息

雨金錢




雨金錢則殘酷之由

宋志曰是謂刑獄主兵災

隋書曰非吉祥乃有亂臣也

後魏書曰雨錢則其下亂

雨蝨蟻




雨蝨蟻則貪苛之政

宋志曰骨肉踈而致暴虐

春秋傳曰刑罰暴虐賦歛無已

雨血



雨血則君不親於民


宋志曰不肖者不得久處其位

歲中兵起

漢書曰天雨血不止者不肖不

得久處其位歲中兵起

雨魚雨肉



雨肉則君不享其德

開元占曰君行暴虐天下不享

其德將易其君

荀悅悅漢書曰視之不明是為不哲

荀悅曰帝道凌臣專政則天雨

魚 又荀悅曰天雨魚帝凌道

雨成灰




有暴政則天雨成灰

宋志曰暴政所致殷紂無道天

嘗雨成灰


隋書曰帝惡人勝已

雨如墨



多陰謀則天雨如墨

雨釜醜



雨釜醜歲穰之徵

宋志曰物如小錢許從地中生
出其中如粟黍大名曰兩釜醜
主歲稼又曰天雨釜醜人相食
謂其中無物也

降爵錫



降爵錫易主之異

宋志曰天雨露着物黃色名曰
錫爵不出三年大凶又曰下當
有變

乙巳占曰不出三年改政易主


雨物而人不識



雨物則其野大兵

宋志曰天雨物而人莫識者皆
大兵起


雨水



雨水則其分大度

宋志曰水失其性故其分大度
漢書曰后妃崩臣為亂

無雲而雨



無雲而雨也封拜無功

宋志曰貌之不恭是謂不肖定禍沴之

隋書曰反臣伏誅也

冬雷



非時而雷也賊臣將起

宋志曰雷發非其時大臣專政

女后擅權

晉書曰人君失政賊臣將起

晝降霜

霜雪之降苟非其時政在大臣而不在辟


北齊書曰君傳於太子則晝降霜

梁書曰六月降霜百姓勞荒

宋志曰雪降非時迫近之象一曰夏雪臣作亂

晉書曰非時降雪政在將相陰氣盛

日色紫天將雨



將雨

隋書曰天氣下降地氣上升厚則日紫薄則日赤將雨候也若於夜則月白將雨候也

雲甚潤厚天必大雨

將大雨


隋書曰雲甚潤厚大雨必暴至



常雨

常雨

范曄曰木主春春氣生生氣失則踰其節故常雨



常陰

常陰

范曄曰皇極象天陰養萬物陰氣失故常陰

日色黃而將旱

將旱

隋書曰天氣未降地氣上昇厚則日黃薄則日白將旱候也若於夜則月亦將旱候也



常暘


常暘

范曄曰金主秋秋氣殺煞氣失
故常暘

日色青而將寒

常寒

范曄曰水主冬冬氣藏藏氣失
故常寒




雲如亂穰而將大風



將大風

隋書曰雲氣如亂穰大風將至
視其從來之方避之


日色黑而將穿霧



將穿霧

隋書曰天地二氣升降上下雖
交未密則日色黑若於夜


常霧



常霧

爾雅曰天氣下降地氣不應曰
霧言蒙昧也日蒙蒙而無光士
卒亂


大霧



大霧

爾雅曰地氣上發天氣不應曰
霧言冥晦也霧者衆邪之氣陰
來冒陽若中時者君有憂

日含王字



天元玉曆祥異賦卷之二

太陽瑞應篇


者健也為陽主君

含王字和平之異

宋志曰君德應乎天上下和平

則日含王字也


日揚光耀



揚光耀德政之祥

宋志曰人君德政皆得則色精明而揚光耀異於常也

日出二彗



欲行再赦之恩內出二彗

宋志曰一歲再赦則二彗

日有重光

将有封禅之慶外有重光


宋志曰有封禅之慶則重二光
而其外一重色亦是為重光也



黃氣潤於日上

黃氣潤於日上宮中有喜

志曰人主宮中有喜則其上
有黃雲氣潤澤也



青雲澤於日西北


青雲澤於西北國舉賢良

宋志曰舉賢良於國則有青雲
潤澤西北也

黃雲守日

外國入貢也若黃雲守日而立

龍鳳之氣抱日



天下歸心也如龍鳳抱日而翔
宋志曰君聖臣賢天下順心則
氣如龍鳳龜鶴形而抱之也

日五色




聖人在上則五色燭耀

宋志曰聖人在上羣臣盡職乘
土德王其太平則五色燭耀至
於一也

京房曰聖人在上寅亮天工則
日之光明五色備矣


日出四彗



人君有德則四彗焚煌

宋志曰人君有德天下大豐則
日四彗其光茫出如四彗也

日久不明




太陽凶變篇

但見日久不明上下蔽塞

宋志曰日久不明上下蔽塞羣
臣恣而專政

日過中時暗


若過中時光暗德政不明



日未入而無光

日未入而無光為喪之異


宋志曰日未入停、無光曰日
死又曰朔日、紫色氣占為喪
事亦為候王死



日已出而無光

日已出而光暗主病之徵


宋志曰日出二竿停之無光曰
日病又曰黃色無光為王侯病
又曰主上病



日色赤如赭

色赤如赭將死民怨而天下旱

宋志曰日出如火或光如赭色
大將軍戰死



日色赤如血


色赤如血有喪臣叛而賊盜生
宋志曰日赤如血其下有喪及
臣反國亂灾癘盜賊並起

無雲而日光暗

雲全無而光暗者臣叛


宋志曰日當晝無雲而光暗是
謂晝昏陰反陽臣叛君姦臣盛
法令不行又為殺戮死亡之兆
若似殺氣寒濁者大咎又曰其
下分土三日內有雨不占

雲盡赤而日光暗



雲盡赤而光暗者兵興

日中分再出再沒



日中分再出再沒皆主亡土

宋志曰日中分或出非其所再出再沒皆主其下亡土

氣如飛鳥飛燕在日中

日消小飛鳥飛燕並主君凶



宋志曰日消小其下君長凶日
鳥見主不明為政亂有白衣會
將相出旌旗舉其下國分凶若
出軍遇之將軍敗

開元占曰日消小則奪威勢也


日隕

日隕則為鼎立而為失政

按日隕之日乃乖戾之氣所結
者耳非萬古真明者也




日闕



日闕則為兩競而為夷兵

宋志曰日闕者別有假象共日
體相凌離而復合之而復離日
魄失光乍明乍暗或為體俱見
在於食時之前晡晚已後者為
日闕之者兩侵之象天子惡之


星月與日爭明



星月晝見則為爭明小國強而大
國弱

宋志曰日月與大星並見是謂
爭明大國弱而小國強有立王
侯日無光而星月有光者國危
主天下不安及天子不能正


飛流犯日



飛流犯日則為改政民流疫而王者崩

宋志曰飛流犯日映日而前銳後方災及臣宮不安天下振動若日無光者民疫死

袂日宵出



袂日宵出考紀綱大滅

宋志曰日夜出名曰陰明天下兵起下臣凌上洪水流行日月並夜見天下分離

尚書金櫃曰日夜出者紀綱滅大臣專政威權削奪

開元占曰三苗大臣天命殛之

衆日並出

衆日並出兮天下分爭


宋志曰兩日並出天下用兵無道者亡是謂陽明假主抗衡並爭則其下國亂三日並出不過二旬諸侯爭衆日並出天下分若兩軍相當數日並出有大戰拔城當分營以應之

當晝冥晦

又有當晝冥晦者陰反為陽而臣將制主

宋志曰日晝昏行人無影到暮不止者為刑急又日不出一年有大水晝昏而羣鳥亂失分土


日中黑子



日中黑氣者臣不掩惡而百姓惡君

宋志曰日中黑氣者祭天不順之異也黑氣者亦為日薄皆陰也若乍三乍五則臣有謀反又曰臣蔽主日中黑氣不明所致也又曰黑子若有黑色乍三乍五臣謀君爵賞不平
太公曰日中有黑氣若一二三四五者教令不明三公為亂爵賞不平


日齒足俱見



齒足俱見兵敗將軍死

宋志曰雲間日影屬地者為足赤者有舉兵白者有敗兵殺將軍日有齒足其下叛
春秋感精符曰夷狄有侵戰兵用將則日垂牙舉足


日月並明



日月並出臣叛而夷狄侵

宋志曰日月並出國分兵起若相去數寸臣叛而謀上又曰日月並照日光不盛月光獨盛皆為后妃擅權又曰日月並晝見兵起臣叛日月並出其後越滅吳臣欺君夷狄侵中國也

日色赤



號令害民則日應之而赤

宋志曰日之色赤則君無智京房曰發號施令動害百姓則日應之而赤矣

日色白而青

君弱下貪則日色白而青

宋志曰日色青白則君弱

京房曰人君軟弱海內皆貪則

日色青而白

日色黃

黃則君聞善不與

宋志曰日之色黃君聞善不與

京房曰賢者之言行之而蔽其

人有其美以自有揚厥功日色

必黃也

日色黑


黑則君惡見於民

宋志曰日之黑色則君惡於民
京房曰臣不能進諫於君怒惡
百姓則日色黑也




雲氣入軫宿

晉書曰軫主冢宰輔臣之職黃
白氣入天子用車馬賜諸侯黑
氣如杵入大人墮車




雲氣入器府


天文錄曰器府樂器之府也赤
氣掩之音樂廢



雲氣入天廩


天文錄曰天廩主積黍以享祀
青氣入蝗蟲大旱黃氣入歲多
粟麥黑氣入多水





雲氣入大陵

天文錄曰大陵一曰積京主兵
陵墳墓死喪蒼白氣入有大丘
喪赤氣入多戰死



雲氣入天囷

天文錄曰天囷主給御廩米盛
青白氣入歲饑民流亡

雲氣入天船

天文錄曰天船主道濟利涉青

氣入天子不可乘御船黃氣入

天子乘船有喜

